

ГОРД ЗНАМЯ

ВКП(б)-лэн Пудемской райкомезлэн но Райсоветлэн Исполкомезлэн органзы

Дано мед луоз 1-тй май - рабочий класслэн революционной кужым'ёсызлы боевой смотр! Вань странаосысь пролетарийёс, огазееяське!



**НАШЕ
ЛУЧШЕЕ
ОРУЖИЕ-
ОСУЩЕСТВЛЕННЫЙ ЛОЗУНГ:
ПРОЛЕТАРИИ ВСЕХ СТРАН СОЕДИНЯЙТЕСЬ!**
(В Маяковский) •

**Дано мед луоз ась-
мелэн победовосной
рабочий классмы!**

**Дано мед луоз ась-
мелэн победовосной
колхозной крестьян-
ствомы!**

**Дано мед луоз ась-
мелэн социалистиче-
ской интеллигенция-
мы!**

**Дано мед луоз Со-
ветской Союзлэн ка-
лык'ёсызлэн дружба-
зы!**



**ПОД ЗНАМЕНОМ
МАРКСА-ЭНГЕЛЬСА-
ЛЕНИНА-СТАЛИНА-
ВПЕРЕД, К ПОБЕДЕ КОММУНИЗМА!**

Пролетарской солидарностьлэн праздникез

Быдэс дуннеысь трудяшое тун-
нэ праздновать каро международ-
ной пролетарской солидарностьлэсь
праздниксэ—1-тй маез.

Быдэс дуннеысь рабочий класс
капиталистической стройлы пумит
аслэсьтыз нюр'яськон волязэ.

Туэ ачимес 1-тй маез праздновать
кариском сыче обстановкаи, ку-
ке капиталистической странаосысь
урем пуныос нуналмысь паськы-
тато кыктэти империалистической
войналэсь полязэ, куке Англия но
Франция пöртэмесь амал'ёсын
туртско кыскыны та войнае ась-
мелэсь великой Социалистической
родинамес.

Асьмелэн Советской странамылэн
границаосыз сьбырын мынэ кык
класс'ёслэн лек нюр'яськонзы. Ра-
бочий класс, ваньмыз прогресив-
ной калык нюр'яське капитализм-
лы пумит выль империалистиче-
ской войналы пумит. Великой Ки-
тайской калык 1-тй маез пумита
окоп'ёсын, японской захватчик'ёс-
лы пумит лек нюр'яськыса.

Капиталистической странаосысь
трудяшое кризис'ёсын, безрабо-
тицаен нищетаен, империалисти-
ческой войнаосын отчаяние вуттэ-
мын. Соослэн улэмзы потэ капита-
лист'ёстэк. Соослы кулэ социализм.

Класс'я брат'ёслы, капиталлэн уз-
ник'ёсызлы, быдэс дуннеын рабо-
чий классэз мозмытон понна нюр'-
яськисьёслы—милям братской са-
ламмы!

Майской праздникез асьме ка-
лык туннэ демонстрировать кароз
аслэсьтыз всемерно - исторической
вормон'ёссэ, аслэсьтыз морально-
политической единствоэз, Ленин-
лэн-Сталинлэн партиезлы, великой
Сталинлы преданностьсэ.

Асьме стра аын в основном бы-
лэсьтэмын коммунизмлэн нырысетй

фазаез—социализм. Ваньмыз эк-
сплоататорской класс'ёс пумозыз
быдтэмын. Быдтэмын эксплуатаци-
ез кылдытись муг'ёс. Азинлыко
йылпум'ямын сельской хозяйствеоз
коллективизировать карон. Вань
народной хозяйствеын ортчытэмын
технической реконструкция. Юнна
родинамылэн оборонной кужымеэ.
Вормон'ёсмы асьмелэн бадзы-
месь. Но уката но бадзымесь уж'-
ёс сыло азыланьын. Большеви-
стской партилэн 18 с'ездэз Сталин
эш возматйз асьмелэсь азылане
мынон сюресмес, со сюрес комму-
низме мынон, коммунизм лэсьтон
понна нюр'яськон.

Асьмеос ул'яськом капиталисти-
ческой окружениян. Тае нокызы
но уг луы вунэтыны. Юнматэно
асьмелэсь военной кужыммес, со-
циалистической разведкамес, вис-
карытэк юрттоно солы калыкпэсь
враг'ёссэ громить но корчевать
карыны.

Туннэ, первомайской празднике
СССР-ысь но быдэс дуннеысь ка-
лык'ёс демонстрировать карозы
асьсэлэсь международной проле-
тарской солидарностьсэ, асьсэлэсь
данлыксэ нюр'яськыны быдэс
дуннеын пролетарской революция
понна, демонстрировать карозы
Коммунистической Интернационал-
лы асьсэлэсь верностьсэ, быдэс
дуннеысь трудяшоеслэн великой
вождьзылы—Сталин эшлы безза-
ветной преданностьсэ.

Коммунизмлэн ужез, Ленинлэн—
Сталинлэн ужез vormиз муз'ем шар-
лэн одйг куатьмос люкетаз. Ле-
нинлэн—Сталинлэн ужез vormоз
быдэс дунне вылын!

Дано мед луоз Маркслэн — Эн-
гельслэн — Ленинлэн — Сталинлэн
великой непобедимой знамязы!

Дано мед луоз великой Сталин!

Сессилэн решениосыз уж вылын быдэс'ясько

Еловской сельсоветлэн 15 апреле
5 сессиез ортчиз. Татын обсудить
каремын вал колхоз'ёслэн тулыс
ю кизён азе дасьлыксы но СССР-
лэн Совнаркомезлэн но ВКП(б) ЦК-
лэн „Сельскохозяйственной продук-
таосты дасян но басьтылон поли-
тикаын вошт'яськон'ёс“ сярсысь по-
становленизы.

Кыктэти вопросэн сессия пуктыз
вань колхоз'ёсын птицеферма кыл-
дытыны.

Сельсоветлэн 5-тй сессиезлэсь

решениосэ уж вылын быдэс'яны
куд-ог колхоз'ёс кутскизы ни. Тани
„Труд“ колхозысь колхозник'ёслэн
но колхозницаослэн обшой собра-
нызы, колхозэ птицеферма кылды-
тон сярсысь решение кутйз. Али
колхозлэн правлениез тае быдэс-
тон'я дасяськон уж'ёс нуэ ни.

Еловской сельсоветысь „Труд“
колхозлэсь примерзэ районьсыты-
мы вань колхоз'ёслы басьтыны
кулэ.

Лапин.

Тулыс ю кизёнысь КОЛХОЗ'ЁСЛЭН БУСЬЮСАЗЫ

Тулыс ю кизёнысь колхозник'ёс-
ты но колхозницаосты культурно
обслуживать карыны понна ВЛКСМ
райком но Роно 13 муртлэсь культ-
бригада кылдытйз.

Культбригадалэн чпен'ёсыз да-
сяськэн уж'ёс нуыса, 28 апреле
колхоз'ёсы потйзы ни. Соос тулыс
ю кизёны ужась колхозник'ёс но
колхозницаос пöлын партилэсь но
правительстволэсь постановлениос-
сэз валэктозы, борд газет'ёс пот-
ылозы но жыт'ёсын концертын
пöртэмесь шудон'ёсты но кырзан'-
ёсты исполнять карозы.

Г. Баженов.

(Телефон пыр басьтэмын). Бо-
зинской сельсоветысь колхоз'ёс
выборочной кизён борды кутскизы.
27 апреле „Память Ильича“ кол-
хоз 3,30 га вылэ кизиз ни. Сезы
кизыны гиризы озы ик „Про-
жектор“ но Буденыйлэн нимыныз
нимам колхоз'ёс. Ворошиловлэн
нимыныз нимам колхоз 28 апреле

гырыны потйз. Колхозник'ёс но
колхозницаос бадзым мылкыдэн
ужаны кутскизы.

Артемов.

9 номеро тракторной бригадаысь
тракторис, Алексей Яковлевич Тре-
филов эш, Лековаевской сельсовете-
тысь „Динамовец“ колхозэ гыры-
ны юнматэмын. 28 апреле колхоз-
лэн правлениез трактор доры ву-
ворттыны колхозник'ёсты вис'яз.
Озы ке но тракторис Трефилов
ужаны дз поты, со „пасха“ утыыса
улыз.

Семакин.

Лековаевской сельсоветысь кол-
хоз'ёс тулыс ю кизен борды кут-
скизы. „Динамовец“ колхоз 14,69
га етын кизыны гиризы ни. Соос пö-
лын 1,8 га вылэ пень пазямын. Со
сяна гыремын на 0,68 га сезы киз-
зыны. Гырыны кутскизы озы ик
Лековой но „13 октябрь“ колхоз'ёс.

Югов.

